

疆村丛书

疆村丛书

漢濱詩餘目錄

浣溪沙

菩薩蠻

好事近

減字木蘭花

醜奴兒

惜分飛

醉花陰

鷓鴣天

虞美人

小重山

臨江仙

洞仙歌

滿庭芳

念奴嬌

永遇樂

風流子

補遺

擣練子

不暇樂

風前子

漸次茂

念双韻

漸次茂

念双韻

夷美人

小靈山

漸次茂

念双韻

漸次茂

念双韻

漸次茂

念双韻

漸次茂

念双韻

漸次茂

念双韻

漢濱詩餘

穀城 王之望 瞻叔

浣溪沙和無咎韻

嬾向沙頭醉玉瓶
喚君同賞小窗明
夕陽吹角最關情
忙日苦多閒日少
新愁常續舊愁生
客中無伴怕君行

菩薩蠻和錢處和上元

華燈的皪明金碧
玳筵劇飲杯餘濕
珠翠隔房櫳
微聞笑語通
蓬瀛知已近
青鳥仍傳信
應爲整雲鬢
教儂倒玉山
好事近和侯監丞

五載復相逢俱被一官驅役驚我雪髯霜鬢只聲香相
識翠帷珍重出笙歌醉遲遲春日親到鵲橋津畔見
天機停織
又
絲艦載娉婷宛在玉樓瓊宇人欲御風仙去覺衣裳飄
舉玉京咫尺是藍橋一見已心許夢解漢皋珠佩但
茫茫煙浦
又和榮夫監正聯興
綏帶撫雄邊一言滅烽休役歌舞後堂高宴喜傾城初
識紅綾小砑寫新詞佳句麗星日從此錦城機杼把
回文休織

又
清唱動梁塵窈窕夜深庭宇一笑滿斟芳酒看霞觴爭
舉弓韉三寸坐中傾驚歎小如許子建向來能賦過
凌波仙浦

又成都賞山茶用路漕韻

蕭寺兩株紅欲共曉霞爭色獨占歲寒天氣正羣芳休
息坐中清唱並陽春寫物妙詩格霜鬢自羞簪帽歎
如何拋得

減字木蘭花代人戲贈

珠簾乍見雲雨無蹤空有怨錦字新詞青鳥銜來惱暗
期桃溪得路直到仙家留客處今日東鄰遠憶當年

窺宋人

又恭人生日

糟糠相樂早共梁鴻同隱約著籍天門隔品新封感帝
恩滿堂兒女婦捧金杯孫屢舞白髮卿卿與爾尊前
作壽星

醜奴兒寄齊堯佐

蒙泉秋色登臨處愁送將歸一夢經時腸斷佳人猶唱
渭城詞春來重醉分攜地人在天涯別後應知兩鬢
蕭蕭多半已成絲

又寄李德志

去年池館同君醉正是花時隔院韶輝桃李欣欣如與

故人期 相望兩地今千里還對芳菲春色分誰雨慘
風愁依舊可憐枝

惜分飛別妓

要眇新聲生寶柱彈到離腸斷處細落檐花雨夜闌清
唱行雲住 洞府春長還易暮凡客暫來終去不忍回
頭覷亂山流水桃溪路

醉花陰生日

弧門此日猶能記歎居諸難繫彈指片聲中不覺流年
五十還加二 兒童壽酒邀翁醉笑欣欣相戲休畫老
人星白髮蒼髯怎解如翁似

鷓鴣天台州倚江亭卽席和李舉之時曹功顯賀子忱

同坐

撥亂江雲雪欲飛
小軒幽會酒行時
佳人喜得鴛鴦侶
豪客爭題鸚鵡詞
歌舞地喜追隨
歙州端恨外遷遲
謫仙狂監從來識
七步初看子建詩

虞美人
石光錫會上卽席和李舉之韻

鴛鴦碧瓦寒留雪
玉樹先春發小樓
歌舞夜流連月落
參橫一夢繞梅邊
尊前酒量誰能惜
都是高陽客
十分莫厭羽觴傳
半醉娉婷雲鬢彈金鈿

小重山
成都上元席上用權帥許覺民韻

冪冪輕雲護曉霜
銀花千萬朵爛韶光
寶山金字屢更張
笙簫遠簾幙闕重廊
車馬暗塵香
一邦如蜡日盡

豪狂遊人歸路笑聲長長歌裏擊壤詠陶唐

臨江仙贈妓

十二峰前朝復暮忽愁望斷行雲夢回江浦曉風清遠
山思翠黛蔓草記羅裙錦字織成千萬恨翻成第入
新聲幽期誰爲反離魂主人無浪語狂客最鍾情

又贈賀子忱二侍妾二首

霓作衣裳冰作面鉛華不涴天真臨風幾待逐行雲自
從留得住不肯繫仙裙對客揮毫驚滿座銀鈎蠶尾
爭新數行草聖妙如神從今王逸少不學衛夫人

又

家在蓬萊山下住乘風時到塵寰雙鳬偶墮網羅閒驚

容凝粉淚愁鬢亂雲鬟
人世風波難久駐雲霞終反
仙關虛無仙路擁歸鸞卻隨煙霧去長向洞天閒

洞仙歌范丞相夫人生日

玉樓玄圃舊是神仙伴鳴佩時朝紫皇殿種蟠桃成樹
碧柰開花著子滿金母盤中屢獻飄然乘彩鳳東望
蓬萊曾共扁舟五湖泛正珈鉉未老蘭玉盈前春欲轉
喜對芳辰開宴願綠髮朱顏鎮長新教歲歲年年壽觴
深勸

滿庭芳前題

海國寒輕江南春早小梅已漏芳妍歲前冬後和氣從
回旋此際瑤臺閬苑仙人下白玉雲輶人閒世風帆月

棹同泛五湖船 當年參謁地魚軒象服鏘佩朝天向
閩邦開國福地真傳今日華筵壽皀兒孫擁蘭玉相鮮
休辭口蓬萊清淺看取變桑田

又賜茶

犀隱彫龍蟾將威鳳建溪初貢新芽九天春色先到列
仙家今日磨圭碎璧天香動風入窗紗清泉嫩江南錫
乳一脈貫天涯 芳華瑤圃宴羣真飛佩同引流霞醉
瓊筵紅綠眼亂繁花一椀分雲飲露塵凡盡牛斗何賒
歸途穩清飈兩腋不用泛靈槎

念奴嬌坐上和何司戶

堂堂七尺懷一時人物孤映三蜀閒雅風流豪醉後猶

有臨邛遺俗十載虞庠一官楚塞雅操凌寒玉江山千
里惠然來慰幽獨落筆妙語如神兩章入手不覺珠
盈掬從此西歸榮耀處寧假華旌高纛樂府新聲郢都
餘唱應紀陽春曲老夫一醉故人高義堪服

又荆門軍宋簽判陶教授許尉同坐

蒙泉歲晚偶扁舟同泛一池寒淥四者難并誰信道草
草幽歡能足美景良辰賞心樂事更有人如玉今宵此
會陋邦驚破衰俗豪俊傳粉諸孫幾年分袂一笑還
相逐痛飲厭厭清夜永那管更深催促宋玉詞章陶潛
風概況繼前賢躅故人未至座中仍對梅福

又別妓

柳花飛絮又還是清明寂寞時節洞府人閒嗟素手今
日慙慙分拆巧笑難成含情誰解顧影無顏色風流滿
面卻成春恨悽惻雲鬢從彈金蟬紛紛紅淚千點胭
脂濕聚調輕盈離調慘聲入低空愁碧祖帳將收驪駒
欲駕去也勞相憶傷心南浦斷腸芳草如積

永遇樂和錢處和上元

元夜風光上都燈火輝映春色鰲冠仙山龍銜瑞燭銀
闕凌空碧紫煙深擁黃雲孤起人喜乍瞻天日口雲裏
口口口口侍臣口口鵲立霧收霞捲珠簾開徧翠幙
娉婷爭出傾國叢中鈞天合處忽聽鳴清蹕貂裘小帽
隨車信馬猶憶少年豪逸如今對山城皓月但餘歎息

風流子 范覺民生日

江國東風早芳菲又迤邐報寒梅正元氣孕和小春歸
候數丁千載喜動三台向此際上天開景運王國產英
材想崇嶽洞天暗書苔蘚海山煙雨空鎖樓臺煌煌
天人表瓊林與瑤樹照映庭槐中有麗天星斗驚世風
雷況朱顏綠髮年光鼎盛繡裳華袞人望歸來好對玳
筵滿舉眉壽觥

漢濱詩餘補遺

擣練子

陶選詞綜補遺

擣練子賦梅枝暖借春風次第吹目是百花留不住讓
教先發放春歸

又

擣練子賦梅英枝上商量細細生不是根株貪結子被
吹羌笛兩三聲

又

擣練子賦梅妝鏡裏佳人傅粉忙額子畫成終未是更
須插向鬢雲旁